# محمد السيد سعد

بدون موساح

الطبعة الأولى ٢٠١٧

#### بطاقة الكتاب

\_\_\_\_\_\_

عنوان المؤلَّف: بدون مونتاج

المؤلِّف : محمد السيد سعد

التصنيف : أشعار

رقم الإيداع : 21211 -2017

عدد الصفحات : 104 صفحة

رقم الإصدار الداخلى: 52

تاريخ الإصدار الداخلى: 10 / 2017 طبعة ثانية

-----

جميع حقوق الطبع والنشر محفوظة للشاعر، ولا يحق لأى دار نشر طبع ونشر وتوزيع الكتاب الا بموافقة كتابية وموثقة من الشاعر

#### دار النيل والفرات للنشر والتوزيع

سجل تجارى: 58365

بطاقة ضريبية: 35-01-572-031-5-2015 ضريبية: 2017-7 544-662-202

E-mail: alnile waalforat@yahoo.com

النيل والفرات :twitter

youtube: alnile waalforat@yahoo.com

facebook: alnile wa alforat

هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٢٠٤ - الدور الثاني - أمام سنتر ١٣



#### الإهداء

الي روح والدي العزيز رحمة الله عليه التي كانت سبباً في وجودي في الحياه الى زوجتي وأولادي الذين كانوا دائما امامي حتى وانا بعيد عنهم

الى اصدقاء عمري

الى الغربة .. التي عصرتني فأخرجت نصوص هذا الديوان الى كل من ساهم و ساند و ساعد حتى يخرج هذا العمل بهذه الصورة و يرى النور بعد تعب شاق لمدة خمس سنوات اهداء الى كل من يقرأ هذا العمل

#### محمد السيد سعد



#### رؤية الناشر

محمد السيد سعد شاعر متوازن في كل شيء لم يشعرني لحظة أنه يرهق نفسه في كتابة النص الشعري ، ولا حتى اصطياد الصورة الشعرية فهو يكتب نفسه فقط غير عابيء بتجارب من سبقوه ، يختلف أحيانا مع الخليل ، وأحيانا أخرى مع أبي الأسود ، ولكنه يُصِرُّ دائما على تقديم مشاعره هو وأحاسيسه دون تكلف ، له لغة خاصة ومفردات وتراكيب أخذت سمَّتة دون تكلف ، فخرج ديوانه الأول ينقش إسمه على حائط المشهد الإبداعي بشكل لائق جدا ويعلن عن مولد شاعر كبير يمتلك أدواته وله رؤاه الخاصة جدا

الشاعر والناقد ناجى عبد المنعم رئيس مجلس إدارة دار النيل والفرات للنشر والتوزيع

#### مدخل إلى الكتاب

عرفته صديقا وشاعرا ومتواضعا واستطاع أن يؤثرنى جدا بعذب كلامه وحلو حديثه وجمال أشعاره فقرأته ودخلت عالمه الإبداعي طائعا ، محبا فهو شاعر رائع جدا يقرأ المشهد اليومي ويتفاعل معه ويتناوله برؤى خاصه ومن زوايا متعددة فبلغ أوج الكتابة الشعرية التي تدخل القلب مباشرة دون وسيط ، له صوره الشعرية الخاصة به ، وله أدواته التي يمتلكها باقتدار ، فيكتب مالا يسيء لإبداعه دوما ، ويتفاعل مع مجتمعه دونما تكلف ، وأرى أنه شاعر يحفر اسمه في سجلات التاريخ بكل قوة ومقدرة

#### الشاعر محمد الساعي

## إللى بيننا

الشبه في الشكل عادي بس في الاحوال بيخنق و اللى بيننا ده شيء طبيعي مغناطيس مجذوب لمعدن لزق عاشق للورق طفل محتاج امه جداا ايه اللي مُعجز في علاقتنا ؟ و ايه اللي يبهر في الحكايه!! اللي بيننا ده حاجه ... مثلا فاكهه صيفي في جو بارد بيبسي مغلي في كبايات موج صناعي في بحر هادي

ثانيه بتمرف ساعات ايه الجديد علشان نعيشه نختلف بيه ع اللي فات غير حكايه فيها اكشن شد جذب و خناقات اختلاف في الرأي ماشي بُعد .. قُرب .. فراق .. رجوع عند مره و مره طوع ايه اللي يمنع ؟ نبني ماضي و نبني ذكرى للى جاي دى الرتابه شيء فظيع سكه طول الخطوه فيها

100 مدينة

ما علينا و اخرة الحوارات دي ايه زي اي اتنين هيجمع بيننا بيت

و الترابط بيننا حتما بالولاد لازم يزيد و الحضائه و المدارس و المشاكل و الهلاوس فجأه شعرك يبقى ابيض و امشي محني بعكازات دى الحكايه و باختصار قبل حتى ما نبتديها قبل ما الاحساس يوسوس للشفايف تبتسم لما اخطى قصاد عيونك كل يوم بالصدفة قصد

# مجازا و اقتباس

بين دموع الليل اغانى و التمنى شىء عبيط جايبالضحكه اللي جايه من عيون انسان حويط حب يهرب في السذاجه دبلت الاحزان ففاق ساب مكان للحلم يكبر زاد معاه الاشتياق و ف سكون الليل ورق بين سطوره الذكريات نكته وياالصحبه مثلا ولا صوره لحد مات

خد معاه كتف الحنان اللي انا مسنود عليه دوِّب الخوف ف الامان لو في يوم احتجت ليه و ف ساعات الليل مرايه بلقى فيها شكلى فارق بعد ما امسح ف الزواق ويا نفسي ببقى صادق كل شيء بيكون بخاطري ضحکه کانت او کلام ببقی خارج من عواطفی نور بيهرب من ضلام بس اخر الليل طريق سكته بتعزف نهار ينتهي المشهد و نرجع

شيء مجامل ب اقتدار لاجل ما تسير الحياه و نلاقينا ف وسط ناس حضنهم بيداوي روحنا لو مجازا واقتباس

### كسرة الملهوف

ساجد على الاشواق يمكن تعودي حنين صليت كما الاوليا يام الجوامع نور ضمة ايديكي حياه و مراكب العاشقين مرساها شط عينيكي و شراعي كان مكسور مقدرتشاوصلك. جدفت بالحيلة و بقشِه الغرقان خبطت ع الصدفة

جايز كما الافلام تغوى القصص شارد غلبان ضعيف لكن هو البطل دايما ساجد على الممكن لو كان قليل هقدر اجبر زناد الشوق يبكي اللقا طلقات فتصيبني تحيني من بعد كان مفروض على كل شيء فيا حتى الدموع اوقات مد الايادي خضوع قبل السلام بسنين عَرَق السما خوفي

من كسرة الملهوف ضمي الشتات ضمي الشتات ضمي توه المشاعر موت لمي الحنين لمي قبل الاوان ما يفوت و ان اللي كان ممكن يصبح مُحال جدا

### ثورة سكوت

من كااام سنه

مفروشه ضحكة خطوتك

على ارض عاشقه التوهه ف عيون الغريب

وانا المريب ...

اللى انتى رافضاه يفهمك

او يعشقك من بين بيبان المستحيل

قِلِة ايمانِك بيا أنا

خلاكي طعنه ف وسط قلب

خلاكي دَرب

حُزن و وجع و عذاب و ویل

انا مش بعاتب

ولا باتهم فيكي و عميل

انا بس باشكيلك زهق و كلام يادوبك ع الورق منا اصلي ماملكش البديل مش بأدّعي حبك عشان تتبسمي ولا تفتحي حضنك و تاخديني بعشم انا بس عايزك و انتى قاعده بتحسبي حسبة حياتك ابقى حتى من الخَدَم ثورة سكوتي اللدانتي خمداها بألم لازم ف يوم تصبح دليل للي ارتوى مُرِك و داب ف محبتك وبرغم يأسه شايفك الحلم الجميل

#### إشتياق

من شوق عينيكي اللي اتملِت بدموع لقانا المستحيل من 100 دليل اتمكنوا من شوقي ليكي المنجرف انا باعترف رغم انحصار الكلمه بالصمت الرهيب حبك نزف كل الاسف رغم التوكل ع الاله كان النصيب مشهد مریب بین حضن عاشق منکسر و الوحدة بتطفي ف سجاير عمرها و كإنه طفاية وجع نفاسين حنين من عقب لساه مانطفاش يعنى الامل سلطان و كيفه مانتهاش و الضحك متركب غلط على وش مستسلم ضعيف للصوره و انتى بتسبقى فجر البعاد قولة مافيش على باب عتابك مختتم لقصيدة الحلم الشجي اللي انتيسايباه ف انهزام مش معنى انك ترفضى يعنى اللقا بينا حرام لاء دي البدايه لـ100 طريق بس انتی لو بتفکری راح تبدأي صومِك عن العند الغتيت و الحضن بيت مليان دفا و النيّه مش كافيه و خلاص دي الضمه منك لو بزيف تقتِل في خوف مالهوش اساس و تهد ف جبال بُعدنا و كاسات بيشربها الوجع من يأسي نيل دا الوقت خيل و العمر مضمار السباق فماتسمحيش للموت ياخدنا واحنا لسه ف اشتياق

## فراغ

رد السؤال
بإجابه بس مؤكده
و ابعت مع الصدق الكلام
كدبك شجر ناقص فروع
مين اللي ساب اوهام فراغك تِنتِفِض
فوق كف تمثال من خضوع
دوس الساعات ع الوقت بالضيق المميت ؟
ولا انقسام صورتك لفصلين م الخريف
ولا الطريف المصطنع من حد قاطع للملل

. . . . . .

سيكولوجيا النفس عبد بيشق سترة الحلم البعيد قبل الركوع



و الفرض حاله من القلق مركب بمجداف من خيال شدِّت مواقيت الوداع تسكن شوارع محنتك ترسم بأفكارك حارات ضاقت على صفين ملايكه بيطلبوا روحك تتوب .. بدلت ليه ؟ سكة هروبك للحياه بكاسين عبط نسوك طريق المبتدأ و باعوك على انك مُطيع او تستطيع تنزف نكت رد السؤال .. بإجابه بس مؤكده انت اللي هارب م الحياه ؟ ولا الفراغ خلاك تقولها بصيغه بس مؤدبه

### شخابيط

و انت هارب من خيالك ما تساومش غناك بصدمه لو في يوم صوتك تأثر و ابتدا ينزف نشاز ما تساومش عناد مشاعرك بالبعاد عن ناس عزاز رقصة المجروح صعيبه و احتضار بس بتأني و اللي جامح وسط فكرك كوكبين سابوا المجره دقتین قلب ببلاده او مجامله سننية المفتون بوهمه جهله بالواقع اكيد

صوره متعدل عليها الف لون مع شكل وهمى ظن عابث و اختلال جین ثباتك و انت حى دفه و القارب بعيد شمس طالعه ف حضن غي و انت هارب من خيالك فك رهنك باعتذار من تجنب رُمح نافد يهدي روحك له السنهاد ده اعتصار النرد اصدق من حظوظ الفكر جدا و انت فجر مالوش معاد موجه شارده ف بحر هادی متداريه من الكسوف

خوف مجازي ف فيلم فاشل او كوميديا ف وسط حزن لِم صورتك م المساوئ و اعتدِل لو كنت واهم مش خيال هيبر روحك و انت محروم م الغنا وسط برواز الوجاهه بین کلامك و الورق ولا غمزه برمش جمله فوق كفوف بنت الأنا و ابقى قولى ان كنت فاهم قصدي م المكتوب هنا

### كان هيفرق ايه

كان هيفرق ايه قوليلي بعدنا من غير تلاقي هی هی و صدقینی افضل كتير م اللي احنا فيه طيش قلوب و الحب عييل دمعه اقرب من غناه بالنهار مجنون و هارب م الموريستان للفضا و ف سمار الليل يعود عود حزین مالهوش وتر كان هيفرق ايه قوليلى عيشنا جوه الحلم فكره بكره خاين و الحقايق

نصها ف لعبة قمار دومانو قافله و مهما نسحب مافي مهرب م الخساره بس بنحب الشطاره و اللوعويا العناد و الاحاسيس فار تجارب و احنا و الحظ و نصيبنا كان هيفرق ايه قوليلي و احنا في الاخر عبيد او عرايس شوقها متلضم بخيط و الوشوش في الراسمه باهته صوره و الالوان تلاته احمر الدم و عمايله في اللي راح و عيونا تشهد ابيض النور و انعكاسه

يخلط الافعال ببعض اسود الغربه اللي عدت فوق جبين اللمة هزت ثقتي فيكي سهل جدا اشتريكي و ده الطبيعي طفل مفطوم ع التراجع و المياعه فحرب شوقه لو هتتبدل عروقه بسلك شايك مش هينطق بالملام كان هيفرق ايه قوليلى بعدنا من غير وداع السلام ؟ طب سلااااام

#### عيل و مات

كان وقتها مولود جديد و يادوب بدا يطلعله حس صوت الادان في ودانه من تلقين ابوه زى الجاتوه قدام معازيم الفرح زى الرغيف في ايدين يتيم مرسوم على وشه الونس لساه بيتهجى الوجوه من لمسة الكف الصغير فوق تجاعيد الوشوش دفیان فی احضان کل حلم بیحلمه و یشکله بازمیل براءه و مطرقه من صبر لساه ضعيف .. لساه خفيف على قلب ناس زهقت خلاص من نفسها كان وقتها عيّل يادوب في حدود 13 سنه ساذج كمان و بيختشي من لمّة الجنس اللطيف دمُه الخفيف و صباه في شكله و هيئته خلوه بعيد عن انه يفهم في الهزار مسك الخدود بايدين شقيه محسساه انه البطل .. او فارس الفرسان في ساحة معركه رغم اندهاش روحه اللي نابته يادوب جديد فتحت شبابيك الهوى على وسعها و اتكلمت ندهت على الحلم اللي سكران بالطفوله .. اكبر بقى كان وقتها ..

راجل يادوب في حدود 30 او يزيد مابقاش بطل ولا حتى شعره فديل حصان خده اللى داب من مسكة الايد بالهزار شقق من الركنه / فوق رفوف عين البنات كدبة صباه اتحولت واجهه لكتاب

مكتوب عليه الضرب في المشتاق حرام و الوعد سهم مالوش سكن الا ف اساطير ضل ليله المنكسر عد النجوم فرض ف ملازم وحدته سجدة سكير للخمره قبل ما تسكره مل التسكع و السفر

و تذاكر القطر اللي جامح بين ماضيه و الذكريات قلبه اللي عاش وسط النوايا الحاده مستني الفرج مستني خطوه تقربه من سكة الزيف اللي عاشها ب

كان وقتها ..

شايب يادوب في حدود ٨٠ و الطريف بدأ الحياه من تاني في عيون الصغار تاج البياض فوق شعره كان زي الدليل بين المراكب وسط انات البحور

و فنار بیجذب له الغناوی بصوت حوریه و تندهه عجز صحیح لکنه برکه ف وسطهم سبحان مغیر کل حال و اللمه بعد ما کات فضا کان وقتها .. مییت یادوب من ساعه و بدون فضفضه

### <u>فكره</u>

اخر بصه ف عين الليل و انت بتقفل عينك غصب يهمس صوتها اياه ف ودانك لا خليك .. لا خليك .. لسه اللمبه ف طرقة بيتكوبتضحك جدا لسه ديوك الفجر محدش فيهم فاق و الاحلام بتمكيج روحها قبل العرض تجري تفط

كل ما تعزف ..

تنزف ناس و ملایکه و جن

يرمى العقل كمنجه ف ايدك

يرشق سهم مقام الصبا فا تحن

ضحكك لاصفر

زي اشاره بتطلب هدنه

وسط السكه الواصله ما بينك و الاوراق

فنجان قهوه بطعم الصبر

ياخدك للكرسي الهزاز

تكتب تكدب ...

ترجع تكتب تملا سطور الحيط حواليك

ويا جيوب الصدق كلام

تهدا الفكره و تطلب منك لاستسلام

تقفل عينك

و يهمس صوتها اياه ف ودانك

كله تمام

#### <u>ضد و مع</u>

ما يهمكيش .. لو قالوا صبرك ع الخلايق قد نَفَد و ان البُساط الأحمدي مابقاش ف ضلك يسوى شىء و ان الطريق ف عيون غُناكى كله شوك و ان الشكوك ماليه الحنين بالحُزن و الضي الخنيق سيبك خلاص .. انا حضنی بحر یساع بلاد بس العناد جواكى طيبه مفرطه و مأكده تصديق دموعهم من تجاعيد العيون

و ده مش جنون ولا ياس فيكى و انا باعتقد انك عشانهم مرغمه تدى الحلق للى مايمكلش الودان يمكن حنان ... يمكن زهق منك ساعات او امنيات بس المباراه انتهت صوتى البرىء رافض يموت من حلم عاشوا بيحلموه و يمثلوه في مسلسلين او ثورتین "ضد و مع " ناس إمّعه على كل لون متلونین مع کل سید

بس المؤكد إنهم

لابسين ظنون عقل العبيد

# لو لسه بجد فاكرها

لو لسه بجد فاكرها طب ایه خلاك تبعدها و تعيش مع قصه جديده و قفلت الشوق ع الاخر بینك و ما بین كسرتها كنت مفكرها هترجع زي الاول و تدوب في عيونك بس نسيت ان المكسور بيتوب عن ذل القلب و يخرج برا حدود ضعفه و يقوى و بيتحول في ساعتها شيء رافض للمألوف

ده مافیش ملحد بیطوف حوالین کعبه بینکرها لو لسه بجد فاکرها طب ایه خلاك توعدها بالقسوة وراحة قلبك لو شوفت فیوم دمعتها كداب و دولابك یشهد ع الصورة اللي مخبیها و اللي مخلیها دواك لما الروح تاخدك لیها و تحس بشوق ناحیتها

### وحشتيني

كإنك نفسى او اكتر و نبض ف قلبي بيفسر معاني لدُنيتي الحلوه لكن عيني بتستخسر و تقفِل ف الجفون و الرمش تِثام و تسيبني بَتمَرجَح ما بين احلامي و حقيقتي كما سكران بيطَّقَ ح ف قلب شوارع اللهفه و لما الليل يلملِم عتمِته ف جيبه و يفرد ع السما ضحكه بلون الشمس

يزغزغ نورها ف كياني و القاني على بابك بموت من فرحتي بيكي و ضمِة روحي لِاديكي وحشتيني يا صبر جنوني ع الدنيا يا غنوه ف سكة الاحزان بأعيش ف بعادك الثانيه سنين قسوه على حرمان ياريت يا عيوني تتكني بنور ضِحكتها و تسافرى بعيد عن دُنية الاحلام و تاخدي الشمس وياكي عشان مش قادِر إني انام و اسيبها يادوب و لو همسه

دي لامسه القلب من جوه و باقتِل نفسي لو اطاوعِك و قتل النفس والله حرام

### بلمسة ايد

و تندهلی .. البي نداها و اطمِن بإنى هاعيش و لو ثانيه ف حُضن عينيها و ادّارى من الاحزان و يكفيني اعيش ف عيونها لو صوره و كااادر حتى لو بهتان بخطوة شوق اسافرها تسافرني بلمسة ايد تعید ایامی لو تهرب من يأس الامل لبعيد اكيد هي و مين تاني برمش عيونها تسحرني و تقتلني بتنهيدها

و ضحكتها بحبها حتى لو ضدي و رامیانی و بتعاند عاشقها لما بتساند طلوع الروح بشقاوتها و تندهلي .. تصحى الدم ف عروقي و تكتب بالرموش ابيات يدوب دمع الفراق بينا فيقلب غنوه و ابتسامات تقرب فينا لو مهما بتبعدنا كتير مسافات و تندهلي .. احس ف حضنها بأهلي والاقيني

بَكَسَّر كل شيء مكسوف و من غير خوف اعيد الصورة م الاول بكااادر وشي فيه مألوف

#### روح

غاب نهارك بدرى جداا و اعتذارك مش اسف ضل شمسك طفل باكى قوته ما يكفيش غناه ضعف صوتك هد فيا و اختمارك مال كشف رقعة الروح الحزينه وسط توب نبض الحياه دوبت فیکی و مش بخاطری لعبه و الخسران انا لو ف يوم حبيت اغنى و انتي مش سمعاني اتوه و ابقى زي النور بيلمع

بس وسط قلوب كفيفه همهم جمع المواجع و اللي بيفرّح باعوه ساقية العطشان و ضلي و انتي وقت الضعف قوه ضمه تجبر اي كاره يبقى اقرب م الحبيب ما تموتيش لسايا قاصر داحنا لسه ف وسط غنوه و الكلام جواها انتى ما تسيبيش الروح تغيب غني تاني و افرحي عللي صوتك مش حرام صبي طهرك و امنحيني ضمه توهبني السلام

مش مهم تكوني ضدي المهم تكوني روح لما يخلص فجأه عمري يكتمل بيها الطموح

## اسكندرية

لما صوت البحر يحدف نوته فضه و غنوتين ترقص شباك الصيادين ويا النوارس و المناير واقفه كورس تسند الموج لو غرق وسط الليالي إسكندرية الحلم و المنظر اسكندرية السحر لما بيبقى رباني دایب فی رنة ترمیاتها لما صبح الفجر يحضن في الندى إسكندرية الحلم و الذكرى و القعده ويا الشله ع الكورنيش لما الكلام يعشق دموع الفرحة صباحى كل التعب يبهت مع او ل صور و الموج بيغسل ف الشقى اللي فوق كتافنا

إسكندرية الامل ....

و الملتقى لو مره يوم عن بعضنا توهنا المكندرية الحلم و المطره

لما الشتا يكسي ف بيوت الحلم لاخضر بالحرير نبض الشوارع وقتها يرمي السلام

ع العابرين المستورين بالبرد و الضحكه لعب العيال جوه الحوارى يزيدها نور

من غير كسوف تفتح ستاير قلبها لبكره البريء صوت الادان في المغربيه

و لمعة البحر ف عيون كل المراكب ملهمه لقصيدة تشيه بنت لسه يمريله

و ضفيره خام ماقدرش كف الريح يطيرها اسكندرية الروح و انا .. مخلوق علشانها

### حياتنا ف مواصله

حلاوه و ملبس و مشط و شراب و ضايعبيشحت بكل اكتئاب و مسك و بخور و حبة عطور تخلى اللي عجز في سن الشباب تسالی یا هانم و مندیل یا بیه و نايمبيحلم برقصة باليه و عاطل بيكتب على الكرسي همه و شایب بیحکی زمان کنا ایه جرايد مصايد لعقل الضعيف و كام صوره قالعه و منظر لطيف تحرش بصنعه و ممكن بجاحه ولا حد ينطق في مشهد سخيف حياتنا ف مواصله و وسط الطريق

مؤدب بيسقط و يحيا المسيء ضماير عماير في وقت التفاهه و تحكم بخوفها و تسجن بريء ده حالنا اللي واصل و طنش تعيش و نافق تواصل حياه ما تساويش و فوكك ياعمي ما جاتشي عليك هتعمل مناضل ؟هتصبح مافيش

### غربه

ماتكدبيش نبض السما لما المطر ينزف بكايا ف غربتي لو كان بخاطري اتحملك و اخُد بكل المعطيات بس الفراق برهان على زيف المشاعر مع اني شاعر بتلخم لما ابتدي اكتب قصيدة للرجوع جوع الكلام مانصفش حتى المفتتح ولا دلنی ازای هعیش اشكى لعيونك لو في يوم شوقى انجرح مليون حنين بيهدوا نفسي ف كل يوم رغم اعتذار بكره اللي خالف وعده لكن

باشرب معاكى الصبح لما الليل يطول و ارسم ملامحك فيا و اجري ع المرايا المس عينيكي و تبتدى الاحزان تزول ضمیلی جرحی و شقشقی بفجرك و صلی ع المستحيل يركع و يدن مُمكِنات يا بحور عناد القرب غنيلي الطريق و كفايه الحاد باللقا انا كنت ابسط من كده عايش بنص الحلم راضي و مكتفي بالقرب بس ضلیت بإحساسی و بقیت سبحة وَلي على صدر يأس

### اصعب ظروف

بترجى فيكي ما توجعيش كل إللي باقي بـ إستياء إزاى بـ حُضنِك ما تشوفيش دَمع اللُّقا وقت الفراق بترجى فيكى كل العيون قبل العمى قبل اما تِهرب من خيالها للسما قبل اما تزرع حِلمها في سنابل البعد البغيض قلبى العبيط مابقاش مكانك للأسف بقى للغوانى المستباحه ع الملأ حتى إنكشك صوتِك في ساحِة موتُه رامياً بالوداع

مدیت إیدیا بشوق مجازاً و إفتراض اکتِب طلب مُتمنیاً مِنِك سماح و نسیت بإن الحُكم شامِل به النفاذ و إن افتراضي آخره دَبحاً بالجراح و كإني حبایة ذنوب متلضمه ف سبحِة تقي بترجی فیكي تِمَزَّعي توب الغواني و تلبسي دمِعة كسوف حُزنا علی قلب تَرَدی ساعِة ما قلبك ودعه ف أصعب ظروف ساعِة ما قلبك ودعه ف أصعب ظروف

#### مجرد كلام

بتضحك عينيكي فترجف مشاعري و الاقي في شِعري كلام ما انكتب بحبك ادب و طيبه و كسوف بحبك بخوف و احبك سحابه دموعها الندى و شمس ف عيوني ساعة ما الليالي تعيد نفسها بحبك زحام و دوشِه كلام مابين السطور بحبك قصور راسمها ف خيالي و حبة أغاني بصوت المطر بتضحك عينيكي فترجف مشاعري و الاقي في شِعري كلام مستحيل بحبك سبيل و احبك في كل الثواني ساعات بحبك سُكات و احبك حنين بحبك سنين مرت و جايه و بعد اما اموت لكن ف السكوت بحس بامان كإن اللي بينا مجرد خيال و حبة مُحال في احلامنا بس بتضحك عينيكى فترجف مشاعري و الاقي ف شِعري حيره و قلق مجرد كلام بدمع القلم فوق الورق

### و احنا لسه صغيرين

زي اختي .. زي واحده من قرايبي كنت بتعامل معاها و التديُّن كان غالبنى و الكسوف لأده خوف مش هتفرق حاجه خالص علمونا في المدارس و البراءه لسه خام عيب تصاحب بنت و انت من الولاد كات بدايه للبعاد غربه رغم الفصل واحد و المناهج هي هي كنتوا خايفين ليه علينا ؟ داحنا اطفال مش هاممنا حاجه تانيه السنين مرت ف ثانيه و اتقابلنا في المدرج ..!! و المدرج كان حياه حاجه زی الفصل لکن بوصله من غير اتجاه كل يوم بالعين نسلم خوفنا كان اقوى بمراحل من ايدين تتمد تلمس و المسافه تزيد و تخنق فينا و احنا مسلمين القلوب مشتاقه لكن لسه فينا شيء حزين و التعود ... جاب تمردع اللي فات و الكسوف بدِّل ملامحه بالجراءه اتقابلنا ..

ده الحنين كان صوته اقوى من البراءه

و الساعات الحلوه دايما كاتسريعه

و البنات في جوازها اسرع م الولاد

من ساعتها عرفت انى

كنت اقرب ليها جدا من سنين

و احنا لسه صغيرين

و البراءه لسه خام

و المناهج هي هي

كنا اطفال مش هاممنا حاجه تانيه

# شريط كوكتيل

غنيت غنيت غنيت و ف وسط الغنوه بكيت دا هشام عباس دا ؟ لأ قلبي بيدندن بس بأغنيه كان ليها تأثير وصفولي الصبر عشان ثومه يمكن بتغير

جبار و حليم قالها بحرقه و تعب من مسك الهوا بإيديه نسيانك صعب لهاني شاكر و كواحل له حميد و الفرقه كانوا اول وش من الكوكتيل

داري رموشك عنى و داري عم علاء بفتكره بخير لما الوش التاني بيبدأ تلقى تمللي فيروز سابقه الكل و شادي لسه مجاش اصلها عنه ما تستغناش و اما نجاة ف عيون القلب تسهر وياك و انت بتفتح البوم صورك و انت معاها يسبق صوتها حنينك ليها مع مقطوعه للرقص الشرقي يمكن تيجي مناسبه و نفرح بس المحزن بعد الرقصه اصعب غنوه بتيجي بعديها

تقلب مود الروح تستاء

يدخل عم سرور بالساكس قبل ما نسمع للاهداء وحشاني بجد و مش قادر و خلاص مت من الاشواق

### اقرب من وريدك

مش بقولك ... خدتى كل الناس ف ضلك و اتهمتى الصدق فيا بالكآبه و لانكسار كان ما بينًا الشوق عمار كنت بلجأ ليكى دايما كنتى جنه ولا نار احتميت بجنون مشاعرك و انتهى بيا المطاف صوره باهته ف البوماتك طفل رغم الحضن خاف خدتى كل الدنيا يمِّك سيبتي بس اللي مالوش

ضهر يسند جوع مشاعره او يغيّر ف الوشوش طب بذمة صوت عيونك اي اللي نابك م الحياه غير برود الدم جداا و ابتسامه بكل زيف تشتري بيها اختمارك قبل ما يسود الخريف بس عارفه ؟ مش هسيبك ده اللي بينًا مش بايدِك ده انصهار للروح ف شمسك و انهيار البوح ف شعرك کل ده تفسیره خلی نَفسي اقرب من وريدك

### أحلام

احلام و احلام

تفسيرها كلام بين قلب و قلب

لكن هيهات

ده الحلم ساعات بيفرَّق بين اتنين ف الحب

و الكلمه جروح

لو مره تبوح بشعور ممنوع

لكن مسموح يتقال بالصمت

داير ما يدور

حوالينا بحور من اشواق جوانا بتبعد

و الحزن بيألِم و يهدد

في ساعات الفرح الممنوحه

علشان نشتاق

و القرب فراق في عيون الوقت

و الحلم يادوب انا ليك اشتقت

اكتر من كرهك لدموعى اكتر من حبك لشعوري ساعة ماقدرت اخطف من روحك اغنيه تتقال بالصوت المتبعتر على ارض سكاتك فيغنى و بأجمل لحن دى الوحده جنين مفطوم ع الدفن و انا بيكي ادان على مدنى امان و ف حضننك بوحت بالسر الكامن في ضلوعي و ياريتني ما قولت علشان احلام تفسيرها كلام بين قلب و وهم و ياريت ما حلمت

#### لسه باتعلم

اللى احتمى بالشمس صاب نفسه بالحمى نص الوجع في النور و الضل كان اولى سارق خطاوي الوقت من ساعه رملیه لو كنتي بايديا تتسرسبي بالغصب محتال و عایش نصب عاشق مالوش ديه حضنك طريق واعر و انا لسه باتعلم الفرق بين اللحد و الضم بالدراعين

طعم الخضوع اسفلت و انا نفسي اطیر بجناح مجنون و مخه براح یبلع دجل روحِك صبیلي نفسي اسكر عرق المحبین شوق سبیلي یمكن افوق و البس بایدي الطوق

## أمانه ودين

في وقت التلاقي قسمتي الطريق و كان بيننا حاجز و مركب غريق و عاجز بيضحكو يعزف تمنى في ساعة تجلي و يهتف بريع بمد ف ايديا و طالب حياه و كام صوره حيّه بتحكي اللي فات قصص و حكايات و كان ياما كان و كام فعل ماضي لحاضر مضيء صهيلك بواخر بتدهس ضلوعي و صوتى اللي حبك تعب م الهوان بخاطرك بفارق و افارق و اجيلك و اصم المسامع قصاد لامتهان اضمك في بالي يبوسك خيالي كانك قصادى و جنبك بعيش

قویه ف شقاوتك و فهمك بطىء و صمتك بيقتل في قلبي الكلام يوسوس عنادك في عقلك و تمضى قوافل رياحِك بدون احتشام كسرتى اللي باقى و باقى البواقي في نبضى اللي ساجد على الانهزام و مسك الختام بشوفك عروسه في يد السكارى و وسط البارات شجیه و صوتِك یزیدهم تجبر غازيه بتنزف دموع افاقين يا فاكره اللي هانِكو ناسيه انتى مين يا كارهه اللي حبك وعاجبك غيابه ملاذِك في حضني امانه و دين يا فرضي و سنه مؤكد وجوبها مُحال اني اضحك و نبضِك حزين

# <u>آخر الدور</u>

فكرت تسب روحك في البيت

قبل ما تتقابل وياها

فكرت تعيش و انت معاها

ناقصك احساس

فكرت تدوقها من الكاس

اللى انت شربته و تهملها

فكرت ترد الضربه ف وقت الضعف اكيد

و انت ما بین ایدها و احضانها

فكرت صحيح ؟ طبعا ماقدرتش

و ازاي تقدر و انت بتتحايل على حلمك ياخدك ليها

و صورتها في كل مكان حواليك

في جيوبك و ما بين اوراقك

فى دولابك حتى و افكارك

و كمان ع الحيط

مجنون بوجودها و مش همك لما تضمك جبر خواطر لما تلمك فتافيت في جيوبها و تتشاقى ويا مُنافِس ليك او اكتر مانت مجرد حبة سكر فضلو ف قعر الكاس ما دابوش لعبه ممله في وسط دولابها صوره اتهزت فيها الكاميرا طلعت مافیهاش ای وشوش لسه مصر على استنزافك ؟ ليه مستمتع باستضعافك ليه متخييل انها ممكن تبقى الشمس في عتمة روحك لم جروحك بطل وهم مانتش طفل بعقل صغير ولا شیخ ممکن تهتدی بیه

ولا كنت في يوم ساحر تقدر تقلب حيه لعصفور اخضر او لسحابه و مطره و ضله او لطريق في جيوبك مثلا وقت التوهه بتمشى عليه ساكت لبه ؟ ولا بتحلم بيها ف ايدك ماشیه و ماسکه فی دیل احساسك خايفه عليك من برد الوحده ساتره خيالك م المتاهات سايبه الناس و بقلبك ساكنه غنوه بتكسر اى سكات لساك قاصر عودك اخضر خوفك اقوى من المسافات اللي هتحيى ببعدك عنها

رغم الویل فی القرب شاریها تاخد من عمرك تدیها عمرین حب حنین و مشاعر مهما بتعمل فیك مش فارق اصل مالكش حیاه من غیرها هی الاصل و هی الصوره فماتز علش ان كنت مجرد واحد من مریدینها غیور علی توزیع احساسها قصادك و انت بتبكی ف اخر الدور

# زي العصافير

كان اسرع واحد يضحك على اي كلام او موقف كان حزنه تمللي بيحلف بجنونه ف وقت الشِدّه كان عامل فرحه مخده لنزيف شارد مش لاقى حل لمشكله او بلوه كان يقلب ابوخ نكته بطريقته يضحك 1000 مش شایل هم لبکره و بيكره كلمة عنف و احنا بنستغرب حاله خايفين ليكون اتجن معقوله في واحد فينا

لساه زى العصافير زقزقته بتملا الدنيا حُرا كان ولا اسير و نبص لبعض و نضحك علشان فاكرينه تمللي نقرا له الفاتحه و نبكي و نعيد ف كلامه معانا ارتاح م الهم و راح يضحك مع حور و ملايكه و احنا الايام هدتنا بالغربه وضيق لاحوال الموت فعلا بيريح لما تحس ان العيشه رافض او كنت مؤيد طعمها مُرّين و محال

مع ان فراقه واجعنا فرحتنا بموته كبيره علشان عمرنا ما هنلمح ف عينيه دمعه و تكشيره

## دنيا إزاز

و حاجات ف الدنيا بننساها بالقصد تماماً و العنوه و بنرشى الروح علشان تِقبَل بالضحكه المليانه تعاسه و غلاسه كمان بنموت صاحيين و بندفن روحنا ف تزويقها علشان ناقصين احلام تدينا الحريه من غيرشبوهات كام واحد مات كان نفسه يموت كل الاموات مالهمش رصيد و الجنه خلاص شبه التوابيت و النار اوسع

بتلم بقايا المنتفعين من عُهر الذات و حاجات بنعيشها يادوب حكايات ابطالها سنين من كتر ذنوبها بقت ايام و الوقت اختل و الحل مريض و بداء الذل و الشوف بالصوت العالى حياه بنخوف بيها المستقبل يمكن يقبل بالماضى صديق و حاجات في طريق اللقا ضلِت حضنت ف جروح و طموح ناقص من غير برواز سابت خطاوينا بعيد سافرت على دنيا ازاز فتارين للاحلام ع النوته او حتى مجاز و حاجات إدمان لو يوم ماتت

بنموت م القسوه و م الحرمان زيّك كده لما طويتي الحب ف نن فراقك و بعدتي

# بحبك لأنك

كاسات الغوائي و اكل الحرام و كسر الإراده بحبة كلام و جوع الفقير .. مِخلى الأخير خبير إقتصادي بيملِك زمام عساكر حياتنا برتبة شهيد و شُغلِة ولادنا جواري و عبيد و سجن البراءة ماهوش للغلابه بيشبه مارينا بدون إتهام كراسي القهاوي فحضن الشوارع بطلها التكاتِك و جيلها اللي طالع و لبس المحزق و كِدب المِصدّق مجونه و شايف بإنه إمام و قلبى اللى سافِر ف حُضنك تمللى

برغم التجنى .. رفض لإنكسار برغم اتهامه بكفر التزامه في ثورة خضوعك عطاكي انتصار بحبك لإنك سبيل للحياه و رغم إنفعالى ماليش إتجاه يغيّر في ذاتك و يقلب حياتك لموت اضطراري بدون اي اه سنابل إيديا بتزرع عينيكي جناین شموسها بتنده علیکی تِضِلِك و تهلِك عدوك و همِك و نورها يدلك لطوق النجاه دى مركب رجوعك بانيها بضلوعى و ضحكِة ملامحى راسمها بملامحِك تسافر شموعك تقيدلك شموعى و مهما بتقسى عليا بأسامحك

#### شطك أنا


لون المحبه ف قلبى توب مغزول من ضحكتك وقت المطر و الليل و إن مال غناكى ع الألم بيزول و تدوب قساوة غربتي و الويل يا تميمِة الحظ السعيد يا مُلهمه لِضحك البُكا يا مُسعفِة كل الجراح اللي ابتدِت قبل اللَّقا شطِك أنا لما الموانى تُرفُضِك و تِشْتِتِك بين شين و زين قلبي الرزين دفة وصولك للحياه و المُلتقى حُضنى الأمين اللي الحنين جواه بيرسم خطوتك على ضي أنفاسه بعشم و يرتِل الحلم الاخير من قربه ليكي اللي إتملا نور لما هلِت ضحكتِك يا قسوتِك لو يوم تغيبي عن حُضن حلم عيون سمايا يا دموع بُكايا اللي إنتهِت و إنتي معايا

لون المحبه و نبضها سر الثبات اللي إنتي فيه سر إحتمالي ع البعاد

من غير سؤال او حتى ليه

فماتسمحيش

لِ الليل يدَوِّب شمس دُنيتنا ف عذاب



خلي العتاب بينا طريق مهما يضيق لكن مسيره يدلنا يوم ع الإياب

# ورا الكاميرا

طليت بالروح برا مشاعري سلمت عليا و خدتني حُضن دنا كنت واحشني كتير جداا من اخر حزن انا عايز اعيش جوا البراويز مليت الوقفه ورا الكاميرا ملیت تمثیل دور الدوبلیر و الضحك الباهت مع نفسي انا عايز اقول اللي ف نفسي

لأ ... انا عايز اغني

و اعزف ع الناس يمكن تفهم

الحاله اللي وصلت اليها

على فكره انا بعرف برضو اضحك

فخدوني معاكم تصويره

و بلاش تريقه و افهمو قصدي

انا كنت صحيح بحبس انفاس الليل و اهرب

على سابع سما بس المعراج مش من توبى

و ذنوبی اکید ما توصلنیش

خطوه لقدام

انا محتاج حد يكون لي امام

ف صلاتي مع النفس و يختِم

بشوية ضحك

انا عيشت كتير فاهم اني

المشي على صراط الدنيا

محتاج تبويز

انا عايز اعيش جوا البراويز

او اي افيش مافيهوش تكشير

على سور تكوين الروح يمكن

الاقيها بخير

# نكمل حبنا ولاً

و مش هسأل عن الماضي ولا بعدي هتبقي لمين و مین کان نفسه من قبلی يحبك بس مش قادر و بَعدِك حَب ناس تانيين ولا هسأل عن الاحلام و هاخُد بس بالظاهِر و هسمحلك تشاوري القلب 100 مَرَه ف اي خلاف يكون بينا نكمِل حُبنا و للا نفضل عمرنا مفارقين

ديمقراطي و قلبي بأي شيء راضي هسيبلك روحي و براحتِك يا تسعدي فيها و تصوني يا تكوني من الخاينين و انا موافِق اكونلك زي ما تحبي لكن حاسبي دي مش طيبه ولا عيبه و غباء منى ده بس القلب مش ناقِص يصدَّق و العشَم ياخده و يرجع بعد ما يسيبك بندمه و كسرته و المه و كام دمعه على الخدين

هنبدأ يلا حبيني و دا شوقي سايبلك حبله ع الغارب يا تغزلي منه توب فرحك يا تلقي الحب بالسالب

# <u>مختصرات</u>

### شهقة صمود

لساكي برضو مصدقه سهمِك على قوس الوداع لسه إنطباع خوفك من الماضي إللي فات ساكِن بيبان مد الايادي باللقا لساكى رغم التوبه برضو بتعشقى نصل السيوف إللى إرتوت من قلبي يوم مليت سكوتك و إنتى شايفه المستحيل مادد إيديه بيأكِد البعد بربعاد مليت عِناد سجدة دموعي بين كفوف الامنيات طب اعمل ایه .. ؟ اكتر من إنى برغم تيه روحى التقيت

شهقة صمودي بتندهك!! دقت طبول حرب التمني فإقبلي خطوة حنيني و التقدم للأمام رغم انهزامي لسه قلبي بيعشقك و الموت في قربك عندي اجدى من السلام

### مالكيش بديل

و بتبعدي
كل اما اقرب و ابتدي
المس خدود الحب ف عيون لإشتياق
كلمة فراق
منقوشه ليه فوق بسمتك
و مِشْنَتِك خوفِك اوي
نِفسي ارتوي من خمر قُربِك لو رياء
يأم المداين عاليه فوق

بس الادان مدبوح بنصل المستحيل مالكيش بديل لو ترحلي و تسيبي طيفك جوه حُضني يمزّعه و تزيد مسافات التمني و الرجا و القلب روحه تودّعه مانتي الحياه و إنتي أنا إنتي الغنا وقت السكوت ما يكون قدر مكتوب على كل البشر او فرض يمكن ولا سننه مؤكده

#### ساعات

ساعات بضحك على الاحزان و برسم فرحه فوق وشي كما بلياتشو بيداري ف تجاعيده و بكتِت للأمل غنوه

لكن صوتي بيبكي ف آخر الكوبليه فبقلِب غنوتي لـ إفيه و بضحك ضحكه براني و بضحك ضحكه براني و لما الحلم يسرقني و يرميني ف حضن الناس اسافر ف الوشوش يمكن الاقيكي لكن من خوفي بتلخبط و اتوه ف مشاعري و باخبط على قلوب رافضه تعشقني فيوجعني الحنين ليكي

#### ضحکه

كل ضحكه و ليها معنى بس مين قادر يشوف و اهتمامنا بالمظاهر

خلى ف الإحساس كسوف ضحكه من فرط السعاده ضحكه ممزوجه بغتاته ضحکه جوه الصوره حتی لو صاحبها ف قلبه خوف ضحكه زي العكازات تتسند فوقها المواجع لما قطر الغربه ياخدك من حبايبك و الصحاب ضحكه بتداري العذاب و اكتئاب النفس لما يبتدي بينكو السلام ضحكه والمعنى.. تمااام

#### محتوى الديوان

صفحة	عنوان النص	م
2	بطاقة الكتاب	1
3	الإهداء	2
4	رؤية الناشر	3
5	مدخل إلى الكتاب	4
6	إللى بيننا	5
9	مجازا واقتباس	6
12	كسرة الملهوف	7
15	ثورة سكوت	8
17	إشتياق	9
20	فراغ	10
22	شخابيط	11
25	كان هيفرق إيه	12
28	عيل ومات	13
32	فكرة	14

34	ضد ومع	15
36	لو لسه بجد فاكرها	16
38	وحشتينى	17
41	بلمسة إيد	18
44	روح	19
47	إسكندرية	20
49	حياتنا في مواصلة	21
51	غربة	22
53	أصعب ظروف	23
55	مجرد كلام	24
57	واحنا لسه صغيرين	25
60	شريط كوكتيل	26
63	أقرب من وريدك	27
65	أحلام	28
67	لسه باتعلم	29
69	أمانة ودين	30

71	أخر الدور	31
75	زى العصافير	32
78	دنیا إزاز	33
81	بحبك لإنك	34
83	شطك أنا	35
86	ورا الكاميرا	36
89	نكمل حبنا وللا	37
92	مختصرات	38
97	محتوى الديوان	39
	إصدارات دار النيل والفرات	40

# إصدارات النيل والقرات دار النيل والقرات النشر والتوزيع 2017

إسم المبدع	عنوان الكتاب	٩
ناجى عبد المنعم	ترتيل البوستات الصباحية لأنواع الحب ج. 3	1
ناجى عبد المنعم	ترتيل البوستات الصباحية لأنواع الحب ج. 4	2
ناجى عبد المنعم	العفريتة الشقية ( مسرحية )	3
د. عبد الحليم هنداوى	المختصر المفيد في سيرة أهل بيت الحبيب	4
د. عبد الحليم هنداوى	فى حب الله وعشق الأوطان	5
د. عبد الحليم هنداوى	طمی لا زید و عبر للأبد	6
عبد الله الشوربجي	أبو الطيب المصرى (ج. 1) نصوص	7
عبد الله الشوربجي	أبو الطيب المصرى (ج. 2) نصوص	8
عبد الله الشوربجي	أبو الطيب المصرى (ج. 3) نصوص	9
عبد الله الشوربجي	أبو الطيب المصرى (ج. 4) نصوص	10
عبد الله الشوربجي	أبو الطيب المصرى (ج. 5) نصوص	11

جيهان عبد الرؤوف علوان	أنين الروح (أشعار)	12
السيد صابر	همسات ( أشعار )	13
رضا ابو الغيط	أشجار الخوف (أشعار)	14
رضا ابو الغيط	الحلم بيكبر ( أشعار )	15
رضا ابو الغيط	أشكرك ( أشعار )	16
رضا ابو الغيط	أكفان الخوف (أشعار)	17
رضا ابو الغيط	تباشير الصباح ( أشعار )	18
سمير موسى	وتر البكا ( أشعار )	19
سمير موسى	مدمن ضرب ( أشعار )	20
علاء الدين على	بيعدوا أملاكى (أشعار)	21
أسماء فريد	مشاكسات إبداعية (أشعار)	22
د. يسرى عبد الغنى	عن التواصل الأدبى بين الشعوب (دراسات)	23
عبد المنعم شرف	حميسة (مجموعة قصص قصيرة)	24
تهانى فؤاد	نبضات أنثى بلا وطن (أشعار)	25
أسماء فريد	أميرى (أشعار)	26

ناجى عبد المنعم	جدلية التحول بين التمرد والإنتماء	27
ناجى عبد المنعم	رباعيات	28
ناجى عبد المنعم	نرنيمة لأنواع الحب ( ثلاثية مسرحية )	
ناجى عبد المنعم	أبو جلمبو في كوكب المرىء (مسرحية)	30
د.عبد الحليم هنداوى	حاملة الورد (أشعار)	31
محمود هلیل	إنكسار حرف (أشعار)	32
ناجى عبد المنعم	محاكمة ميت ( مسرحية )	33
منى الغريب	حرفين وجع (أشعار)	34
سميرة محمودى	مين يسامح مين ؟! ( مسرحية )	35
سميرة محمودى	إهدى عليًا (سلسلة أغاني سميرة 2)	36
السيد محمد صابر	ياريت نحبِّك ( أشعار )	37
السيد محمد صابر	الدنيا حالها كده ( مسرحية )	38
ناجى عبد المنعم	ترنيمة لأنواع الحب (ثلاثية مسرحية)	39
سميرة محمودى	كان بيننا إيه ( سلسلة أغانى سميرة 3 )	40
سمير حماية	لا تذكرينى	41
سمير حماية	مسرح خيال الظل	42

محمد الفلكى	أكبر وهم	43
محمد الفلكى	حب الوطن	44
محمد الفلكى	صمت المشاعر	45
خالد أحمد عبد السميع	نویت أرحل	46
محمد بهاء الدين	قول العصارى	47
نبيل نجاح	حكاية عمرى	48
مسعد سليم	مشاعر	49
حارس أبو عزب	تحت النقاب	50
عبد البديع النجار	مناجاة عاشق	51
محمد السيد سعد	بدون مونتاج	52
وشعراء آخرين	مساجلات ناجى عبد المنعم	53
مجموعة شعراء	حرب بلا راء	54
صبحی ثابت بشای	ماتشيليش ياامه الصيوان	55
عبد الإله الديب	الليلة الأخيرة	56
سهير سليم	إبن الزناتي	57